


昌黎文集

昌黎文集



新刊五百家注音辯昌黎先生文集卷第十四

雜文

鄆州溪堂詩



樊曰長安韓氏有皇甫湜手書其友矣湜侍御  
 風敢與韓氏而湜之者下何  
 前日編為席蕭座不覺繼  
 文宗一人不任欽慰之極湜  
 傳郎宗伯

正謂此鄆州溪堂也公時為兵部侍郎曰宗伯  
 者文章宗伯也集注退之文有石本者鄆州溪

堂詩孟州濟源送李愿序京兆萬年薛公達銘  
 司馬村柳子厚銘縣北劉村路應碑州麻田氏

先廟碑鄭州榮陽索向上鄭儋碑衢州徐偃王  
 碑華州蒲城胡珣碑西京北邙權德輿碑廣州

南海神廟碑柳州羅池碑潭州湘陰黃陵碑徐  
 州節度掌書記廳石記其間異同皆以石本為

正今文注其下補注陳齊之語錄曰秦少游云  
 退之元和聖德詩與平淮西碑如出兩手子必

歲月考之蓋相去十二年也然以平淮西碑方鄆州溪堂詩則又曰如亡人所作也

憲宗之十四年始定東平三分其地

孫曰元和十四年二

月平盧都知兵馬使劉悟殺其節度使李師道以降青淄十二州皆平命戶部侍郎楊於陵為淄青宣慰使分其地為

三道以鄆曹濮為一道淄青齊登萊為一道充海沂密為一道東平郡即平盧軍所治

以華州刺

史禮部尚書兼御史大夫扶風馬公

今本有為

鄆曹濮節度觀察等使

濮音卜

鎮其地

樊曰三月以薛平為

平盧節度使青齊登萊等州觀察使以王遂為沂州刺史沂海充密等州都團練觀察使三分其地者謂摠及此二人也

既一年褒其軍號曰天平軍

韓曰舊史穆宗紀云十五年六月鄆曹濮

等州節度賜號天平軍從馬摠奏也

上即位之二年召公入且將用

之

孫曰長慶元年三月盧龍軍節度使劉摠上幽鎮地詔總徙天平而召總還將大用

以其人之

安公也

今本云以彼人之安於公也

復歸之鎮

孫曰會摠卒帝以鄆人附摠詔復還

鎮上之三年

韓曰穆宗以元和十五年正月即位其曰上即位之二年則長慶元年上之三年則

長慶二年也

公為政於鄆曹濮也適四年矣治成制

定眾志大固惡絕於心仁形於色轉心一力

齊也旨究切一作專

以供國家之職于時沂密始

分而殘其帥

洪曰元和十四年沂海將王弁殺其觀察使王遂自稱留後也

其後幽

鎮魏不悅於政

今本作于政

相扇繼變

洪曰謂長慶元年幽州靈龍軍

都知兵馬使朱克融囚其節度使張弘靖以反成德軍大將王廷湊殺其節度使田弘正以反二年魏博節度使田布自殺

兵馬使史憲誠自稱留後

復歸於舊徐亦乘勢逐帥自置

洪曰謂二

年武寧軍節度副使王智興逐其節度使崔羣也

同於三方

孫曰三方幽鎮魏也

惟

鄆也

惟一作爲

截然中居

今本有四鄰望之四字

若防之制水

防隄也

恃以無恐然而皆曰鄆為虜巢且六十年

孫曰永泰元年七月以平盧兵馬使李正己為本軍節度使傳子納納子師道至元和十四年敗凡五十五年將疆

卒武曹濮於鄆州

今本作曹鄆於濮州一本作於曹濮州

大而近軍所

根抵皆驕以易怨作以而而公承死亡之後撥拾

之餘剥膚椎髓公私掃地赤立新舊不相保持

一作恃

萬目睽睽

孫曰睽睽相顧貌韓曰說文目不相聽也○睽睽並傾畦切

公於此

時能安以治之其功為大若幽鎮魏徐之亂不

扇而變此功反小何也公之始至眾未熟也化

以武則忿以憾

今本作而憾

以恩則橫而肆

橫夫聲

一以

為赤子一以為龍蛇孫曰以恩待之故若赤子以武威之故若龍蛇憊心

罷精滿病也蒲拜切罷音皮磨以歲月然後致之難也及

教之行衆皆戴公為親父母夫叛父母從仇讎

非人之情故曰易今本有也字於是天子以公為尚

書右僕射今本無公字封扶風縣開國伯今本無封字縣作郡字

以褒嘉之孫曰是歲就加撫尚書右僕射公亦樂衆之和知人之

悅而侈上之賜也於是為堂於其居之西比隅

號曰溪堂以饗士大夫通上下之志既饗其從

事陳曾孫曰曾元和十年五年登進士第謂其衆言公之畜此邦其

勤不亦至乎此邦之人繫公之化繫繫也韓曰說文綴得理也

繫力佳切一本作繫惟所令之不亦順乎上勤下順遂濟

登茲不亦休乎昔者人謂斯何今者人謂斯何

雖然斯堂之作意其有謂而暗無詩歌暗與同是

不考引公德而接邦人於道也今本無而字乃使來

請其詩曰

帝奠九壝孫曰九壝九州也○壝與壘同有葉有年葉世也有荒

不條條治也今本不字作有字河岱之間孫曰河岱皆天平之境及我憲

考一收正之收今本一作牧視邦選侯以公來尸尸主也

公來尸之人始未信公不飲食以訓以徇孰饑

無食孰呻孰歎孰寃不問不得分願分扶問切孰為



邦蟬

音年今本

節根之螟

孫曰詩去其螟蟥及其子蝻賊毛氏去食苗心曰螟食葉曰

蟬食根曰蝻食節曰賊皆蝗類也

羊很狼貪

補注史記狼如羊貪如很

以口覆城

孫曰以口覆城者謂以利口傾覆之也

吹之吹之

孫曰吹亦吹也况羽切

摩手拊

之箴之石之

孫曰石砭也謂以石為鍼也○今本箴作針

膊而磔之

祝曰膊說

文薄脯膊之屋上左氏成二年傳龍人囚盧蒲就魁殺而膊諸城上磔開也張也○膊音柏磔陟格切

凡公

四封

四封四境

既富以彊謂公吾父孰違公令可以

帥征

今本帥作師

不寧守邦

孫曰可以帥征者言可驅之征伐不自守邦而已言得其懼心

公作溪堂播播流水

播播水流貌

淺有蒲蓮深有蒹

葦公以賓燕其鼓駭駭公燕溪堂賓校醉飽流

有跳魚岸有集鳥既歌以舞其鼓考考

孫曰駭駭考考

皆鼓聲

公在溪堂公御琴瑟

孫曰詩琴瑟在御

公暨賓贊

孫曰

賓贊謂幕僚

稽經諏律

祝曰稽考也諏訪也詩周爰咨諏左氏咨事為諏○諏尊音切

施用

不差

施詩志切

人用不屈

孫曰用謂由是也施由是而不差人由是以不屈言皆得其宜也

谿有蒨苾

孫曰說文蒨苾也根浮水而生苾雕胡也一名蔣周禮魚宜苾○蒨與蘋同音萍苾與菰

同音菰

有龜有魚公在中流右詩左書

詩一作琴

無我

戮遺

孫曰戮厭也無我戮遺者言無厭弃我而去○戮徒故切又音亦

此邦是麻

孫曰

言且麻莖是邦也

### 猫相乳

韓曰司徒北平王馬燧也燧字洵美是說先儒或以為幾乎諂然反復終篇則言北平王之德

感應召致不為諂矣

司徒比平王家猫有生子同日者其一母死焉

一母字無

有二子飲於死母母且死其鳴咿咿

咿音伊

其一方乳其子若聞之起而若聽之走而若救之銜其一置于其棲又往如之反而乳之若其子然噫亦異之大者夫猫人畜也非性於仁義者也其感於所畜者乎哉比平王牧人以康罰罪以平理陰陽以得其宜國事既畢家道乃行父父子子兄弟弟雍雍如也愉愉如也視外猶視中一家猶一人夫如是其所感應召致其亦可知矣易曰信及豚魚亦其類也夫

其一作此愈

時獲幸於北平王客有問王之德者愈以是對  
客曰夫祿位貴富人之所大欲也得之之難未  
若持之之難也得之於功或失之於德得之於  
身或失之於子孫今夫以功德如是祥祉如是  
其善持之也可知已因叙之為猫相乳說云爾

### 進士策問十三首

樊曰非一歲所  
作編者集之耳

問書稱汝則有大疑謀及乃心謀及卿士以至  
於庶人龜筮孫曰書洪  
範之文考其從違以審吉凶則  
是聖人之舉事興為無不與人共之者也於易

則又曰君不密則失臣臣不密則失身機事不

密則害成孫曰易繫辭而春秋亦有譏漏言之詞

樊曰春秋文公六年晉殺其大夫陽處父公羊傳其稱國以殺何君漏言也何休注此引易幾事不密為益如是

則又似不與人共之而獨運者也書與易春秋

經也聖人於是乎盡其心焉耳矣今其文相戾

悖如此欲人之無疑不可得已是一說者其信

有是非乎抑所指各殊而學者不之能察也樊

老蘇曰聖人之道有經有權有機曰經者天下之民舉知之

可也曰權者民不得而知之矣羣臣知之可也曰機者雖君

臣亦不得而知之矣腹心之臣知之諒非深考古訓讀  
聖人之書者其何能辯之此固吾子之所宜無

讓也願承教焉

問古之人有云夏之政尚忠殷之政尚敬而周

之政尚文是三者相循環終始

孫曰古之人謂漢太史公司馬遷也

高祖紀曰夏之政忠忠之敝小人以野故商人承之以質質之敝小人以鬼故周人承之以文三王之道若循環終而復

始若五行之與四時焉原其所以為心皆非故

立殊而求異也各適於時救其敝而已矣夏殷

書存者可見矣至周之典籍咸在考其文章其

所尚若不相遠

一有然字

焉所謂三者之異云乎

焉

鳥作

抑其道深微不可究歟將其詞隱而難知也

不然則是說為謬矣周之後秦漢蜀吳魏晉之

霸

一本霸上有相與二字

亦有尚乎無也觀其所為其亦

有意云爾循環之說安在吾子其無所隱焉

問夫子之序帝王之書而繫以秦魯及次列國

之風而宋魯獨稱頌焉

樊曰孔安國曰諸侯之事而連帝王孔子序書以魯有治戎征

討之備秦有悔過自誓之戒足以為後世法故錄之以備王事猶詩書錄商魯之頌而鄭康成以為魯得用天子之禮樂故有頌而商頌至孔子之時存者五篇而夏頌已亡故錄魯以備三頌著為後王之法此夫子取予之意也

秦

穆之德不踰於二霸

孫曰二霸齊威晉文

宋魯之君不賢

於齊晉其位等其德同升黜取舍如是之相遠

亦將有由乎願聞所以辨之之說

問夫子既沒聖人之道不明蓋有揚墨者

孫曰揚朱

字子居後與墨子與禽滑釐辨論其說在愛已不拔一毛以利天下與墨子相反墨子名程為宋大夫在孔子後有書七

十一篇 始侵而亂之其時天下咸化而從焉孟子

辭而闕之

孫曰揚子古者揚墨塞路孟子辭而闕之廓如也

則既廓如也

蔡本無則字

今其書尚有存者其道可推而知不可

乎其所以守者何事其不合於道者幾何孟子之

所以辭而闕之者何說今之學者有學彼者乎

有近於彼者乎其已無傳乎其無乃化而不自

知乎其無傳也則善矣如其尚在一作在尚將何以

救之乎諸生學聖人之道必有能言是者其無

所為讓



問所貴乎道者不以其便於人而得於已乎當

周之衰管夷吾以其君霸韓曰孟子管仲以其君霸九合諸

侯孫曰孔子曰威公九合諸侯九合者謂兵車之會三乘一車之會六兩野兩幽榿貫首止篝毋葵丘之會是也

匡天下戎狄以微京師以尊四海之內無不受

其賜者天下諸侯奔走其政令之不暇而誰與

為敵此豈非便於人而得於已乎一無而字秦用商

君之法商鞅相秦孝公人以富國以彊諸侯不敢抗及

七君而天下為秦使天下為秦者商君也而後

代之稱道者咸羞言管商氏何哉樊曰以管商所學不純於王道

也故管仲功烈如彼其卑秦用商鞅二世而亡庸非求其名不責其實歟願